

Der Weiber verantwortung

Wann sie sich zu den Gvatterin setzen
Vnd gar ain alteschert auswerzen/
Sie greiffen nach euch/so jr stecht/
Vnd richten euch nach irem recht
Zwischen den baiden Koten daumen
Auf das sie irem herzen raumen:
Vnd wer es auch beim halligtrun /
Es freiet euch kain Kirch noch Dum.
Dan/ was dörft jr sie daran hindern?
Wann sie reden von iren Kindern/
Oder ausrechnen ire Zeit/
Vnd wie jr Kindtauf war berait /
Vnd was jr Nachbarin trag für Röck /
Vnd wie die Welt voll hochfart steck /
Vnd wie vngern sie klaid jr Man
Wann sie gern etwas Neus wolt han /
Vnd wie er irn das gelt so schmal
All wochen auf den Markt darzal /
Vnd wie vil trachten sie nächst as
Als sie am Tisch zu gast lang sas /
Vnd andre meh nötige stück
Die mir nicht all einfligen sück /
Dan ich ja nicht der Teufel hats
Der hinder der Mess on gehats
Ain Kühaut vol schrib solcher reden
Die zwai from Weiblin zsamen hetten /
Ich wolt er het ghabt treck inn Sänen
Da er die Kühaut must ausdänen/
Hat er sonst nötigers nicht zuschaffen
Jnn der höll / dan sie hören Klaffen?
Es ist ain grober vnverstand
Auflosen an des Nachbarn Wand:
Aber